



牧齋初學集卷第十七

移居詩集

起庚辰三月盡十月

移居八首

殘生天與慰途窮是處雲霞媚此翁小宅已居

青嶂裏移家仍在翠微中映門楊柳萋迷綠罨

戶桃花匝匝紅但放秦人雞犬去也應識路似

新豐

其二

未剪茅茨一畝宮斬新書架插西東襜褕自笑

般薑鼠堆積人嗤蝨蠖蟲典庫收藏三篋在中

箱裝載五車同縹囊緗帙紛如畫好著移居物  
色中下卷一 烟宮神隱香米林西東 漸新自美

其三

傾筐倒庋正紛然甕醬瓶齋亦播遷稚子提携  
收茗具小姬擗當拾箏絃長須赤脚分魚艇白  
犬丹雞配鶴舩若比洪崖作圖繪便教人說是  
登仙天與地金寶長

其四

松楸少別淚沾裾况是清明挂紙餘鄰里依依  
留馬牧諸生落落從牛車裝輕使鶴移家具僮

乏教猿守庫書回首墓門初日裏杏園如雪柳  
煙疎

其五

負郭茅堂蔭女蘿考槃仍在此巖阿亦知礪戶  
西山少其奈鶯聲北嶺多虞山北麓饒黃鶯 垂  
西山絕少故云

柳池臺邀好客落花絃管遲嬌歌西園明月東  
軒酒雙鬢蕭騷儘折磨

其六

郊居市隱各蕭閒阜背溪回只此山杜氏草堂  
元兩地陸家老屋總三閒水南還往緣行藥雲

北經過亦閉關共是仙源人未識碧桃花外卽  
塵寰

其七

榆柳交加灌木清携家卜築就黃鶯何當折閱  
千金價但愛閒關百轉聲月下有人諳摸曲花  
閒幾處合吹笙老夫更向春風笑斷送頻年反  
舌鳴

其八

北山如玦抱吾廬近市依然隱者居却埽何須  
愁剝喙蕭閒并可謝樵漁日斜竹磻收碁局月

炤苔堦把道書有宅一區吾事足客嘲揚子定  
何如

雜憶詩十首次韻

海燕西飛不轉頭河中流水却東流莫愁湖上  
春愁女總爲愁多字莫愁

其二

綠陰晝寂榻凝塵憔悴孤花一病身滿眼葵榴  
開落盡不知何事又傷春

其三

石榴深院背花眠梅雨淙淙到耳邊六扇紗窗

三尺枕爲郎消受熟梅天

其四

梅子黃時晝掩門雙棲海燕又黃昏宵來梅雨  
知多少自撥熏籠看淚痕

其五

金經小字粲銀鈎繡佛香燈炤綺樓自得蕭郎  
花下信慵騰三月不梳頭

其六

夢裏相逢覺又分夢闌無那淚紛紛如今夜短  
何曾睡贏得通宵不夢君

其七

炤眼榴花淚幾行五絲那得比愁腸可憐續命  
絲千縷不爲愁人續斷腸

其八

丹砂鏤就合歡卮斟酌長憐玉手持莫訝脂香  
傳竝口朱唇啣過不多時

其九

紫莖綠葉想橫陳淡墨幽窻自寫真題扇寄郎  
還借問崔徽可是卷中人

其十

載得湘蘭餉莫愁桂梁蘭室思悠悠若爲化作  
青青葉長護芳心度九秋

五月望夜汎西湖歸山莊作真蹟  
輕雲如帷月如燭滿載江蘭汎湖曲吳娃向月  
吹短簫月色簫聲竝如玉玉簫聲中蘭氣香月  
炤蘭舟如洞房清歌一曲夜山曉十里山塘抵  
許長

得盧德水宿遷書却寄六十四韻

自君持斧來輒訂銜盃約三春候倏過三年夢  
猶噩含桃已褪紅綠竹旋解籜始泛南徐舟共

躡北固僑淮海勢鬱盤江山氣磊落於茲見偉  
人執手向寥廓置席忘寒溫開顏匪嗔噉試飲  
京口酒還想平原酌清尊見須眉明燈炤離索  
行杯笑持耳失喜嗟頓脚我欲傾百觚君已醉  
三爵小戶殊激昂大敵乃前却擲揄山僧哂絕  
倒候吏鄂酒闌始道故停杯語叅錯回風動江  
臯舊雨響簾箔綠浪東樓樹紅燈杜亭藥依依  
夢復壁惻惻念餽橐迷離死生交婉孌妻子託  
肆赦綸竿雞重歸華表鶴孫賓輕百口季布重  
一諾死骨羞姦諛生氣激頑薄窮命脫網羅微

名耐咀嚙幸解雉兔災方信烏鳥樂丙舍聊晏  
息丁田自耕鑿樵斧斫白雲漁歌和青箬詩酒  
長留連絃管亦閒作客帆識簷窻戶履問籬落  
解嘲仍自笑罵鬼不爲虐醉狂如中風老顛任  
落魄豈復羨休汝何敢附居雒雒鳳德覽盛衰龍  
性異潛躍我爲雌伏鳥君爲鷲立鶚冰廳方舍  
香霜臺俄荷橐柱下何堂堂班心正諤諤王師  
猶在野轉運急焚灼帝曰汝往哉漕事汝經  
度轉漕起東南輦輸向幽朔江淮千萬艘銜尾  
類繩約萬國皆陸海神京爲谷壑江楚輳輻輳

燕齊到繹絡江東棋腹腴九塞局邊角譬如恒  
山蛇首尾相攫搏羯奴割遼海妖氛橫格澤深  
憂據教倉每恨填松漠君銜督漕命雄才恣揮  
霍坐嘯飛羽檄舉盃見方略萬艇朝建牙千旗  
夜傳柝債帥洗手掌悍卒戟肩膊五月燕過河  
諸侯大合樂酒肉視淮坻嘉會假鐘罇四海畢  
飛輓六軍仰升龠庾氏看露積羽林思絕幕  
至尊臨東渭延佇勞驅薄方當鼓吹迎未用舳  
艫爵日得宿遷書使節尚淹泊尺符趣軍興扁  
舟問民瘼信知王事勞更想別懷惡花殘向吳

亭柳暗潤州郭淒清瓜州笛縹緲廣陵角江南  
水蒼茫直北天錯莫施樓頻登頓帆幡互戍削  
高吟誰唱和痛飲自酬酢白頭苟非新黃髮會  
如昨還期河漢近無嘆叅辰各

得書之夕夢與德水共簡書笥得徐武功  
告天文一紙因口占贈德水有與我竝閑  
千畝竹爲君長嘯一窻風之句覺而成之  
并寄德水河上

銀漢無聲碧落空夜山樓閣氣葱朧正聞玉管  
參差裏誰啓金縢夢寐中與我竝閒千畝竹爲

君長嘯一窻風五更殘月紗幮外也炤黃河古  
岸東

送孫光甫再守泉州

棠陰秋來正蔚然兒童竹馬又喧闐遶城桐葉  
新幡戟夾路松聲舊管弦問俗不須停皂蓋之  
官仍是酌清泉他時溫詔如徵拜記取重臨似

潁川

寄答閩中陳先輩

昌基二首

秋堂過雨一燈涼秋士書來意苦傷落第君應  
悲失馬休官吾已笑亡羊漸拋團扇恩情在欲



採芙蓉道路長廿載相思頻命駕不成一水限  
河梁

其二

屠龍誰子正縱橫談虎何人不震驚 聖代又  
聞收放士老夫彌欲感餘生昆岡燎後山仍在  
砥柱鐫來水自平賸欲與君論信宿涼風先已  
款柴荆

哭魏三叔子

沖二首

銘旌仍未換頭銜玉立長髯散木函落第尚誇  
新綵筆蓋棺終恨舊青衫叫闈有路天應泣澆

土無兒鬼亦饒人世于君荼毒甚招魂逝莫下

巫咸

越絕書云虞山巫咸所出

其二

無官無後又無年蛛網煤塵旅櫬邊襁褓兒先  
從地下帷堂女不到床前分荆弟料三閒屋索  
債僧焚一陌錢截髮可憐餘老妾異時爲繼晚  
寒篇

晚香寒色海寧張靜之二妾無子而自誓者沈啓南爲作詩

鄭節母詩四首

梯几高堂燕喜時槐山眉樹柏舟詩月波樓下  
波千頃好是夫人浴月池

其二

自將彤管教文章織斷機絲夜未央廿載青燈  
萬行淚儘添膏火與兒郎

其三

讀書堆畔出樵車花月亭邊草不鋤惟有鄭家  
通德里烏頭綽楔映金書

其四

一母將雛六翮成堂前三鳳正和鳴肩輿上殿  
他年事扶侍爭傳曳履聲

茅止生挽詞十首

東便門開匹馬東橫穿奴虜護元戎憑君莫話

修文事掣電掣雲從此翁

記已巳十一月十八日從高陽公赴通事

其二

武備新編奏玉除牙籤乙夜不會虛文華後殿  
屏風裏綈几依然進御書

其三

一麾萬石齷髻時指困英風更讓誰若使江東  
無伯業也應魯肅是狂兒

止生總角時發粟萬石賑荒太守陳幼學

歎曰此異童子若中老人皆不如也

其四

千貔貅擁一書生小袖雲藍結隊行鞍馬少休  
歌舞歇西玄青鳥恰相迎君有西玄青鳥記記其妾陶楚生登真降

其五

一番下吏一勤王抵死終然足不僵落得奴曾  
也乾笑中華有此白癡郎

其六

閱江樓畔水蒼茫誰竝英  
覓大荒溫嶠謝玄  
應執手與君只合鬪身強

其七

四海交游汗漫雲面啼目笑正紛紛惟餘百口  
孫賓石北海亭前又哭君容城孫微士奇逢高陽公之門人君之死

其八

明月西園客散時錢刀意氣總堪悲白頭寂寞  
文君在淚濕芙蓉製誄詞鍾山楊宛叔製石民誄詞甚工

其九

豐頤巨顙稱三公鴨步鵝行亦富翁田宅凋殘  
皮骨盡廿年來只為遼東

其十

其十

家祭叮嚀匡復勳放翁死後又悲君過車腹痛  
他年約長白山頭酹暮雲

豐韻次韻茅四孝若七夕納姬二首田字庚亥

花橋還勝鵲橋無河漢盈盈漏水但可應早嫁  
歌盧女莫以無郎嘆小姑赤鳳巧偏栖玉樹烏  
龍狂欲撼金鋪詩人老似張公子賤妾應為燕  
燕雛

其二

花橋還勝鵲橋無歷歷星河近白榆曉鏡全粧  
擡嫩柳秋衾半篔暖新蒲西陵柏下猶啼眼李賀

蘇小小歌幽蘭露如啼眼南國瓜時旋破膚聞道紬書如太

史何妨石室貯清娛隨清娛司馬遷之妾也見褚河南墓誌

題畫贈香山何相公

嶺表山川規外星徒胥海口界青冥為園五畝  
無多地元氣堂臨浴日亭

姚叔祥過明發堂共論近代詞人戲作絕句十六首

姚叟論文更不疑孟陽詩律是吾師溪南詩老  
今程老莫怪低頭元裕之元裕之謂辛敬之論詩如法吏斷獄如老

僧得正法眼吾於孟陽亦云

其二

一代詞章孰建鑣近從萬曆數今朝挽回大雅  
還誰事嗤點前賢豈我曹

其三

崢嶸湯義出臨川小賦新詞許竝傳何事後生  
饒筆舌偏將詩律議前賢

其四

高楊文沈久沉埋溢縹盈緗糞土堆今體尚餘  
王百穀百年香豔未成灰

其五

玄宰天然翰墨香半庵辭符玉惟博雅擅青箱

殘膏賸馥依然在約略流風近子昂

其六

楚國三袁季絕塵公安袁中道白眉誰與仲良倫新野

駿馬之過都歷塊皆神駿秋駕何當與細論

其七

當筵縱筆曹能始學簾閣焚香尹子求仲蜀道

閩山難接席眼中二老竝風流

其八

畫筆南翔妙入神李長蘅晚年篇翰更清新和陶

近愛歸昌世也是風流澹蕩人

其九

關隴英才未易量刮磨何李競丹黃吳中往往  
饒才筆也炷婁江一瓣香

其十

石言鴈字竝紛如點鬼窮時又祭魚臺閣詞章  
衣鉢在柯亭劉井半丘墟

琤正佩  
空遺響

其十一

不服丈夫勝婦人昭容一語是天真

呂和叔上  
官昭容書

樓歌云自言才藝是天  
真不服丈夫勝婦人

王微楊宛為詞客肯與

鍾譚作後塵

其十二

草衣家住斷橋東

王微自稱  
草衣道人

好句清如湖上風

近日西陵誇柳隱桃花得氣美人中

西湖詩云  
垂楊小苑

繡簾東鶯閣殘枝蝶趁風最是  
西陵寒食路桃花得氣美人中

其十三

掃花剛竹吳橋句

范質公詩掃花便欲親苔坐  
剛竹嘗防礙月行最為清絕

食葉游魚楊補詩

余愛楊無補閑魚食葉如游  
樹高柳眠陰半在池之句嘗

書之便面安得屏風譜佳什且將團扇寫清詞

其十四

安期

周永年

下筆無停手元歎

徐波

燃毫正苦心羸

得老夫雙眼飽探箱拂壁每長吟

其十五

王績鄉人笑子虛兔園典用竟何如

朱仲晦有代鄉人答

王無功詩見考亭全集中

憑君若問金條脫解

道南華是僻書

其十六

梁溪欣賞似南村甲乙丹鉛靜夜論麗句清詞

堪大嚼老夫只合過屠門

梁溪華問修黃心甫評定明詩三十家

中秋大雨 永遇樂

三五中秋一場敗興雨淋風裂問訊嫦娥今宵

此夜幽悶如何說輝寒玉臂光凝翠黛長是孤

眠時節任淒涼免掩蟾遮免炤半床愁髮 晚

來粧了挿花看鏡恍似身臨瑤闕燭滅香殘暗

風吹雨翳夢空淒切月宮深鎖桂輪何處莫被

愁人攀折應自恨青天碧海茫茫奔月

十六夜見月

雨脚千重雲頭萬疊剛風吹裂昨夜昏霾今宵

軒豁好向嫦娥說天公試手浴堂金殿瞥見清

明時節

時中朝新有大奸距脫之信

喜天邊穆穆金波重

蕭蕭華髮

桂枝易老冰輪難駐見此又愁圓

闕斗轉參橫高樓思婦織錦方悲切  
檠砧安在栖鳥不定應爲刀環心折  
須記取當歌對酒明  
明如月

十六夜有感再次前韻

銀漢紅墻浮雲隔斷玉簫吹裂白玉堂前鴛鴦  
六六誰與王昌說今宵二八清輝香霧還憶破  
瓜時節劇堪憐明鏡青天獨炤長門鬢髮  
愁未老嫦娥孤另相向共嗟圓闕長嘆憑闌低

吟擁髻暗與陰蛩切單棲海燕東流河水十二  
金釵敲折何日裏竝肩携手雙雙拜月

十七夜

白髮盈頭清光炤眼老顛思裂折簡徵歌釀錢  
置酒漫浪從他說銀箏畫鼓翠眉檀板恰稱合  
歡佳節隔船窻暗笑低顰一縷歌喉如髮生  
公石上周遭雲樹遮掩一分殘闕天上霓裳人  
閒桂樹曲調都清切干戈滿地烏驚鵲繞一寸  
此時心折憑誰把青天淨洗長留皓月

九日宴集合暉閣醉歌一首用樂天九日



二十四韻

賓鴻之月爲重陽昔人登臨多感傷人生如鴻  
誰非客忍對佳節空壺觴登高望遠不出戶連  
山小閣臨莽蒼翠微欲上齊女墓綠淨遙分老  
子堂白雲女墻作山帶紅闌橋水含湖光日影  
漏穿出觀閣炊煙全鬱浮街坊西原東樓差足  
擬龍山馬臺知誰強山椒白衣竝馬立樹紗紅  
袖如人長須臾急雨灑飄瞥穿林觸石走欲僵  
崇朝陰晴忽如此良辰燕樂安可嘗况復開筵  
有佳客豈可命酒無紅粧清歌迭奏奮絲竹談

諧閒作兼笙簧吳娃行酒語啁晰鄭老度曲聲  
悠颺銀燈熒熒雨籠燭胡琴嘈嘈風刮廊坐中  
合歡爭笑噉老夫霑酒仍激昂籬邊誰送九日  
酒海內共知雙鬢霜莫嗤暮年裂風景已勝窮  
命縣銀璫試問中書傳仰藥何似上蔡行牽黃  
吟殘自綴菊花朵醉後細把茱萸房小婦盤飧  
具麤糲兒子雜誦聽雷礮簾下侍兒舞鴿鵲掌  
上姬人歌鳳凰劒舞酣歌想悲壯頭童吹帽嗟  
風狂百年未滿會不死九日一笑庸何妨樂天  
作達猶未達比較登高更幾場

白詩云須知菊  
酒登高會從此

多無二  
十場

短歌送林銓之吳門

君不見山陰劉念臺橫經籍書門不開白袍生  
徒戶屨接釜甑亭午生浮埃又不見閩客林六  
長手持劉札來相訪經年臥病虞山頭三旬九  
食斷還往林君窮餓良可惜多君不愧山陰客  
蕭條襤被何所之况值天高風急時昨夜郵中  
傳片紙清漳孤臣幸不死君聞此言揮手別一  
笑眉閒黃色起

九月望日得石齋館丈午日見懷詩次韻

却寄

敢云吾道大相顧此生微土室青燈火柴門白  
版扉垂綸收釣具鍊石補漁磯小艇西湖曲延  
緣候汝歸

其二

丹地披肝日彤墀濺血時帝容伸頰舌天與  
護須眉榎楚寧非教術楊亦我師授書并續史  
幽繫頗相宜

其三

衰鳳巢何在亡羊徑欲迷已知慙稷契寧忍愧

夷齊世事蕉中夢  
人情李下蹊  
夕陽亭畔路  
只在帝城西

其四

以尔銀鐺日  
追余桔橈年  
詞林原有敘  
園土亦推先  
泣夏懷明德  
踰冬憶古賢  
天涯明發思  
炯炯一燈前

冬日嘉興舟中戲示惠香二首

畫閣蘭橈取次同  
蕩舟容與過垂虹  
波如人面輕浮碧  
日似殘粧旋褪紅  
理曲近憐鶯  
脰水弄花遙  
惜馬騰風可憐平  
望亭前鳥雙宿  
雙飛每

一叢

其二

依然吳越舊  
陂塘粉剩脂  
殘水尚香已  
分西施隨范蠡  
拌將蘇小賽真娘  
鉛華散落露書帙  
絃管交加近筆床  
昨日虎丘西畔過  
女墳湖水似鴛鴦

宿鴛鴦湖偶題

煙水迢迢與夢長  
一般燈火兩般霜  
鴛鴦湖上人相竝  
燕子樓中夜未央

王店吊李玄白還泊南湖有感

歲暮孤舟易損神霜清寒薄總蕭辰窮思挂劍  
酬知己老畏生芻吊故人落日閃金村破暝宿  
雲屯絮水生塵延緣便欲追漁父蘆雨菰煙寄  
此身

題南湖勺園

寒園竹樹正蕭蕭几席南湖影動搖有雨雲嵐  
渾欲長無山翠靄不會消波深地角生朝氣水  
落天根見暮潮樓上何人看煙雨爲君枝策上  
溪橋

牧齋初學集卷第十七

牧齋初學集卷第十八

東山詩集一

起庚辰十一月盡  
十四年辛巳三月

庚辰仲冬河東君至止半野堂有長句之  
贈次韻奉答

文君放誕想流風臉際眉閒訝許同在自夢刀

思燕婉還將搏土問鴻濛

太白樂府詩云女媧  
戲黃土團作下愚人

散作六合間濛濛若沙塵霑花丈室何曾染折柳章臺也自

雄但似王昌消息好履箱擎了便相從

河中之  
水歌云

平頭奴子  
擎履箱

半野堂初贈詩 河東柳是字如是



誰家樂府唱無愁望斷浮雲西北樓漢珮敢  
同神女贈越歌聊感鄂君舟春前柳欲窺青  
眼雪裏山應想白頭莫爲盧家怨銀漢年年  
河水向東流

次韻

嘉燾

蚤聞南國翠娥愁曾見書飛故國樓遠客寒  
天須秉燭美人清夜恰同舟玉臺傳得詩千  
首金管吹來坐兩頭從此煙波好乘興萬山  
春雪五湖流

寒夕文讌再疊前韻是日我聞室落成

清尊細雨不知愁鶴引遙空鳳下樓紅燭恍如  
花月夜綠窻還似木蘭舟曲中楊柳齊舒眼詩

裏芙蓉亦竝頭

河東新賦竝頭蓮詩

今夕梅魂共誰語任

他疎影蘸寒流

河東寒柳詞云待約箇梅魂黃昏月淡與伊深憐低語

半野堂夜集惜別

嘉燾

何處珠簾擁莫愁笛床歌席近書樓金鑪銀  
燭平原酒遠浦寒星剡曲舟望裏青山仍北  
郭行時溝水向東頭老懷不爲生離苦雙淚  
無端只自流

冬至日感述示孫愛

鄉人重亞歲羔黍薦履長婦女獻履襪兒孫備  
蒸嘗自我失慈母於今八星霜四載哭苦塊兩  
年繫銀璫歸來守丙舍尚未拜影堂豈不想愴  
歎何忍覩容光怵怵杵撞胃戚戚刀俸腸泣下  
誰能啜悲來不可詳創鉅痛愈遲躑躅還回翔  
再拜強自割遣汝代裸將庸敢忘顧饗聊以贄  
毀傷有故則使人禮不廢舊坊昔者晉二鍾起  
宅千萬強荀勗負宿憾潛往畫門堂須眉儼太  
傅衣冠坐堂皇入門大感慟終令此宅荒梧捲  
痛尸澤蓼莪廢篇章我雖慙古賢終慕詎敢忘

我昔晚生子視汝如圭璋汝之老祖母襁葆親  
扶將兒饑午不食兒啼夜徬徨我年逾五十猶  
在阿母旁與汝共乳哺與汝同袴襠母慈如負  
債再世方了償名汝曰孫愛所以志不忘阿母  
彌留時汝頭才及床今日拜家廟已能整襟裳  
幼者長駸駸老者逝茫茫哀哉阿母墳宿草兼  
白楊我生長頤頷于世靡短長仕宦三十年但  
餘書滿牀儘可與汝讀俾汝無面牆濟濟造門  
士學問多老蒼文筆規歐蘇風雅論三唐汝如  
念阿母夙夜勉就將落實咀其華誰能禁翱翔

我衰不足學師友咸激仰孝友慕慈水慈水謂馮爾賡

兄弟也忠壯企高陽應山與臨邑臨邑故大司馬王公和仲風

義何雷礮人生不矜奮百歲空黍蝗勗哉男兒

志無愧弟子行今朝日南至緹幔灰低昂願汝

崇陽德排陰自開張陽生象敦復閉關養微芒

戒汝勿凌躁一線隨日長年至人古老歲晏天

滄浪嗟我至下心祝汝小歲觴何不如杜陵有

作成一囊何不效阿宜一月讀一箱卓哉杜牧

詩苦語箴膏肓汝其日三後書紳庶子張

迎春日偕河東君泛舟東郊作

罨畫山城畫舫開春人春日探春來簾前宿暈

猶眠柳鏡裏新粧欲笑梅花信早隨簪髻發歲

華徐逐蕩舟回綠尊紅燭殘年事傳語東風莫

漫催

河東君春日詩有夢裡愁端之句憐其作

憔悴之語聊廣其意

芳顏淑景思漫漫南國何人更倚闌已借鉛華

催曙色更裁紅碧助春盤早梅半面留殘臘新

柳全身耐曉寒從此風光長九十莫將花月等

閒看



春日我聞室作

裁紅暈碧淚漫漫南國春來正薄寒此去柳  
花如夢裡向來煙月是愁端畫堂消息何人  
曉翠帳容顏獨自看珍重君家蘭桂室東風  
取次一憑闌

除夕山莊探梅口占報河東君

數日西山路早梅東風昨夜斬新開停車未許  
傾杯酒走馬先須報鏡臺冷縈正宜簾閣笑繁  
花還仗剪刀催衫襠攜得寒香在飄瞥從君嗅  
一回

庚辰除夕偕河東君守歲我聞室中

除夜無如此夜良合尊促席餞流光深深簾幙  
殘年火小小房櫳滿院香雪色霏微侵白髮燭  
花依約戀紅粧知君守歲多佳思欲進椒花頌  
幾行

次韻

合尊餞歲羨辰良綺席羅帷蚤曙光小院圍  
爐如白晝兩人隱几自焚香縈窻急雪催殘  
漏炤室華鐙促豔粧明日珠簾侵曉卷鴛鴦  
羅列已成行

辛巳元日

新年轉自惜年芳茗椀薰爐帶曲房雪裏白頭  
看鬢髮風前翠袖見容光官梅一樹催人老宮  
柳三眠引我狂西蹟藍輿南浦櫂春來只爲兩  
人忙

元日次韻

蘼蕪新葉報芬芳彩鳳和鸞戲紫房已覺綺  
窻迴淑氣還憑青鏡綰流光參差旅鬢從花  
妬錯莫春風爲柳狂料理香車并畫檝翻鶯  
度鸞信他忙

新正二日偕河東君過拂水山莊梅花半  
開春條乍放喜而有作

東風吹水碧於苔柳靨梅靨取次迴爲有香車  
今日到儘教玉笛一時催萬條綽約和腰瘦數  
朶芳華約鬢來最是春人愛春節詠花攀樹故  
徘徊

上元夜泊舟虎丘西溪小飲沈璧甫齋中  
西丘小築省誼闌微雪疎簾鑪火前玉女共依  
方丈室金床仍見雨花天寒輕人面如春淺曲  
轉簫聲竝月圓明日吳城傳好事千門誰不避

芳妍

次韻

絃管聲停笑語聞清尊促席小闌前已疑月  
避張燈夜更似花輪舞雪天玉繁禁春如我  
瘦銀缸當夕爲君圓新詩穠豔催桃李行雨  
流風莫妬妍

次韻示河東君

三市從他車馬闐焚枯笑語紙窻前晚粧素袖  
張燈候薄病輕寒禁酒天梅繁放春何處好燭  
花如月向人圓新詩恰似初楊柳邀勒東風與

鬪妍

有美一百韻晦日駕湖舟中作

有美生南國清芬翰墨傳河東論氏族天上問  
星躔漢殿三眠貴吳宮萬縷連星榆長歷落月  
挂竝蹁躑鬱鬱崑山畔青青谷水湄託根來淨  
域移植自芳年生小爲嬌女容華及麗娟詩哦  
應口答書讀等身便緗帙攻文選綈囊貫史編  
摘詞徵綺合記事見珠聯八代觀升降三唐辨  
泝浴盡窺羽陵蠹旁及諾臯儂花草矜芟擷蟲  
魚喜注箋部居分甲乙讎正雜丹鉛餘曲迴風

後新粧落月前  
 蘭膏燈燭繼翠羽  
 筆床縣博士  
 慙厨麓兒童  
 愧刻鐫瑶光  
 朝孕碧玉氣  
 夜生玄隴水  
 應連類唐山  
 可人肩織縑  
 詩自好擣素賦  
 允賢錦上文  
 回復盤中字  
 蜿蜒清詞嘗  
 滿篋新製每連篇  
 芍藥翻風艷  
 芙蓉出水鮮  
 頌椒良不忝  
 詠樹亦何愆  
 文賦傳鄉國  
 詞章述祖先  
 採蘋新藻麗  
 種柳舊風煙  
 字脚元和樣  
 文心樂曲駢  
 千番雲母紙  
 小幅浣花牋  
 吟詠朱樓遍  
 封題牘  
 牘遄流風殊  
 放誕被教異  
 嬋娟度曲窮  
 分判當歌妙  
 折旋吹簫羸  
 女得協律  
 李家專畫奪  
 丹青

妙琴知斷續  
 絃細腰宜鞞  
 鞞弱骨擗鞞  
 鞞天為投壺  
 笑人從爭博  
 癩修眉紆遠  
 翠薄鬢安鳴  
 蟬向月衣方空  
 當風帶旋穿  
 行塵嘗寂寂  
 履齒自姍姍  
 舞袖嫌纓拂  
 弓鞋笑足纏  
 盈盈還妬影  
 的會移妍妙  
 麗傾城國塵埃  
 落市塵真堪  
 陳甲帳還儼  
 畫井泉楊柳  
 嗟板折蘂蕪  
 蕪惜棄捐西家  
 殊婉約北里  
 正誼聞豪貴  
 爭除道兒郎  
 學墜鞭迎車  
 千錦帳輸面  
 一金錢勾踐獻西施於吳王夫差幸之每入市人  
願見者先輸金錢一百兩門闌咽三刀夢寐羶  
文見孫奭孟子疏  
 蘇堤渾倒踏  
 黟水欲平填  
 皎潔火中玉  
 芬芳泥

裏蓮閉門如入道沈醉欲逃禪未許千金買何  
當一笑媯釘心從作惡唾面可除瘡蜂蝶行隨  
遶金珠却載還勒名雕琬琰換骨飲珉璠枉自  
求蒲葦徒勞卜筮算軒車聞至止雜珮意茫然  
錯莫翻如許追陪果有焉初疑渡河駕復似泛  
湖舩榜棹歌心說中流笑語媯江淵風颯沓雜  
浦水潺湲疎影新詞麗忘憂別館偏華筵開玳  
瑁綺席豔神僊銀燭光三五金尊價十千蠟花  
催兔育鼉鼓促烏遷法曲煩聲奏哀箏促柱宣  
步搖窺宋玉條脫贈羊權點筆餘香粉繙書雜

翠鈿綠窻和月掩紅燭帶花寒菡萏歡初合臯  
蘇痲已蠲凝明嗔亦好溶漾坐堪憐薄病如中  
酒輕寒未折綿清愁長約略微笑與遷延茗火  
閒房活爐香小院全日高慵未起月出皎難眠  
授色偏含睇藏鬪互握拳屏圍燈焰直坐促笑  
聲圓朔氣除簾箔流光度毳氈相將行樂地共  
趁討春天未索梅花笑徒聞火樹燃半塘春漠  
漠西寺草芊芊南浦鳧何黯東山約已堅自應  
隨李白敢擬伴伶玄密意容挑卓微詞托感甄  
楊枝今婉孌桃葉昔因緣灞岸偏縈別章臺易

惹顛娉婷臨廣陌婀娜點晴川眉懶誰堪畫腰  
纖孰與孺藏鴉休菴藹拂馬莫纏綿絮怕粘泥  
重花憂放雪蕙芳塵和藥減春病共愁煎目逆  
歸巢燕心傷叫樹鶻惜衣鶯睨院護粉蝶翩翩  
攜手期弦望沈吟念陌阡暫游非契闊小別正  
流連卽席留詩苦當杯出涕泫茸城車轆轤鴛  
浦櫂黃緣去水迴香篆歸帆激矢弦寄憂分悄  
悄贈淚裏漣漣迎汝雙安槳愁予獨扣舷從今  
吳榜夢昔昔在君邊

鴛湖舟中送牧翁之新安

夢裏招招盡舫催鴛湖鴛翼若爲開此時對  
月虛琴水何處看雲過釣臺惜別已同鶯久  
駐銜知應有鸞重來祇憐不得因風去飄拂  
征衫比落梅

棲水訪卓去病

一官落薄賦歸來華髮蕭騷棲水隈陶令門前  
惟綠柳江淹宅畔只青苔三間老屋談經座兩  
版荆扉避債臺贏得他時青史在儒林廉吏竝  
崔嵬

夜集胡休復庶嘗故第

第宅蕭條不稱春空堂寂寂網蛛塵惟餘寡婦  
持門戶更倩窮交作主賓休復無子去燈火共  
憐長夜客履聲猶憶下樓人廿年舊事東風裏  
梁燕歸來又一巡

西溪永興寺看綠萼梅有懷梅二株蠆蚪  
可愛是馮祭酒手植

略徇緣溪一徑斜寒梅偏占老僧家共憐祭酒  
風流在未惜看花道路賒繞樹繁英團小閣迴  
舟玉雪漾晴沙道人未醒羅浮夢正憶新粧萼  
綠華

二月九日再過永興看梅梅花爛發髣髴  
有懷適吾家仲芳以畫冊索題遂作短歌

書於紙尾

西溪梅花千萬樹低亞凝香塞行路永興兩樹  
最綽約素豔孤榮自相顧飄黃拂綠傍香樓春  
寒日暮含清愁依然翠袖修林裏遙憶美人溪  
水頭徙倚沈吟正愁絕見君畫冊思飄瞥開懷  
落落生雲山觸眼紛紛綴香雪羨君畫高神亦  
閒趣在蒼茫近遠閒伸圭殘墨潑武水子久粉  
本留虞山我將梅花比君畫月地雲堦吐光怪

我齋集卷十八  
十三  
乞君揮灑墨汁餘向我蕭閒草堂挂草堂深柳  
淨無塵淡墨疎窻會賞真還將玉雪橫斜意舉  
似凌風却月人

西溪鄭庵爲濟舟長老題壁

老僧能具四威儀稽首雲棲是本師頻炷香燈  
頻埽地不拈佛法不談詩落梅風裡經聲遠修  
竹陰中梵響遲飯罷松窻重回首夕陽花塢下  
山時

西溪湖水看梅贈吳仁和

湖水尋梅共扣舷兒童齊指令君賢皎如疎影  
通斜月瑩比繁英濯曉煙晴昊早看幽谷變寒  
香偏借一枝傳西湖花竝河陽縣爭似西溪萬  
樹妍

橫山汪氏書樓

人言此地是琴臺小院題詩闕綠苔糲閣正臨  
流水曲鏡奩偏向遠山開印餘屐齒生芳草行  
處香塵度早梅日暮碧雲殊有意故應曾伴美  
人來

二月十二春分日橫山晚歸作

杏園邨店酒旗新度竹穿林踏好春南浦舟中



會計日西溪樓下又經旬殘梅糝雪飄香粉新  
柳含風漾麴塵最是花朝并春半與君遙夜共  
芳辰

橫山題江道閻蝶庵

疏丘架壑置柴關冢筆巢書斷往還盡攬煙巒  
歸儿上不教雲物到人間蕭疎屋宇松頭石峭  
舊風期竹外山莫帶蝶庵成蝶夢似君龍臥未  
應閒

餘杭道中望天目山

東西天目兩峯垂曾與高人約采芝

故慙山大師王孟夙

朱白人世但餘青嶂在此生空有白雲期雪中  
樵徑流泉記兩外禪燈去鳥知舊事撞曾如水  
碓停車惆悵立多時

發於潛簡昌化方明府

餘杭西去盡山城攫樹奔泉處處生雙目地形  
垂乳下一枝天柱入雲平溪因碓激春撞勢石  
與車爭犖确聲借得坡公詩贈汝亂山深處長  
官清

陌上花樂府三首東坡記吳越王妃事也  
臨安道中感而和之和其詞而反其意以

有寄焉

陌上花開正掩扉  
茸城草綠雉媒肥  
狂夫不合堂堂去  
小婦翻歌緩緩歸

其二

陌上花開鶯子飛  
柳條初撲翅塵衣  
請看石鏡明明在  
忍撇粧臺緩緩歸

其三

陌上花開音信稀  
暗將紅淚裏春衣  
花開容易紛紛落  
春煖休教緩緩歸

奉和陌上花

陌上花開炤版扉  
鴛湖水漲綠波肥  
班駘雪後遲遲去  
油壁風前緩緩歸

其二

陌上花開一片飛  
還留片片點郎衣  
雲山好處亭亭去  
風月佳時緩緩歸

其三

陌上花開花信稀  
棟花風煖颺羅衣  
殘花和夢垂垂謝  
弱柳如人緩緩歸

響雪閣

新安商山

綺窻阿閣赤山湄  
想像憑闌點筆時  
簾捲春波

塵寂寂歌傳石瀨響遲遲清齋每憶桃花米素  
扇爭題楊柳詞日夕汀洲聊騁望澧蘭沅芷正  
相思

登齊雲巖四首

二月晦日循桃花磯歷虎巖觀真珠泉抵  
天門宿榔梅菴

梯迴磴復躡雲根白岳居然配極尊地折井幹  
窺帝座屋剡屋雷啓天門累空重巖排松障界  
壁飛流破蘚痕石室水池何處所桃花磯底是  
仙源

三月朔日謁玄天太素宮是世廟禱祀

所建

先帝祈年盼嚮聞紫壇降節正氤氳金莖上直  
虛危位銀榜親書天地文東海幾經龍漢劫北  
宮長列羽林軍綠章祕祝無多語願指靈旗蕩  
稜氣

繇天門登文昌閣望五老三姑獨聳諸峯  
巖欲游石橋巖未果

平臨雲氣俯崔嵬黟水黃山一抹開近巘紆煙  
留翠駐遙峯排浪湧青迴嵌空陰壑生竽籟太

古陽厓闕蘚苔咫尺石橋成異境青鞵應自笑  
空來

宮之右有桃源洞天壁間有故揚州太守  
劉鐸訪張躡蹋詩版

別館玄都小洞天劉郎詩版尚依然曾聞魯國  
爲兵解又恐嵇康未學仙流水落花看小劫兔  
葵鷺麥記前緣留題聊示桃源叟遇問津人莫  
漫傳

牧齋初學集卷第十八

牧齋初學集卷第十九

東山詩集二

起辛巳三  
月盡一月

三月七日發瀟口徑楊干寺踰石碁嶺出  
芳村抵祥符寺

黔山峻嶒比華尊連岡屬嶺爲重門我從瀟口  
旋登頓裴徊薌石過芳邨山墮谷襲水見底灘  
聲半出煙嵐裏千叢竹篠衣石壁一徑落花被  
流水茅屋人家類古初橫枕溪流架樹居白足  
女郎齊碓蕨平頭兒子半叉魚路出硤中山始  
放黃山軒豁見容狀一簇蓮花擁閭闔千仞天

都展屏障旋觀溪谷相迴紫浮溪如却容溪迎  
溪流環山山繞谷周遭匝如列城茲山延袤  
蘊靈異千里坤輿盡扶侍倒寫萬壑流穢惡離  
立千山護空翠天心地肺杳難推明日懸厓杖  
策時一重一掩吾肺腑到此方知杜老詩  
禊後五日浴湯池留題四絕句  
香溪後試溫湯寒食東風谷水陽却憶春衫  
新浴後竊黃淺絳道家裝

其二

山比驪山湯比香承恩竝浴少鴛鴦阿瞞果是

風流主妃子應居第一湯

南部新書御湯西北角則妃子湯餘湯遷

迤相屬而下

其三

沐浴頻看稱意身刈蘭贈藥想芳春憑將一掬  
香泉水噴向茸城洗玉人

其四

齊心同體正相因被濯何曾是兩人料得盈盈  
羅襪步也應抖擻拂香塵

奉和

素女千年供奉湯拍浮渾似踏春陽可憐蘭

澤都無分宋玉何繇賦薄裝

其二

浴罷湯泉粉汗香還看被底浴鴛鴦  
黟山可似驪山好白玉蓮花解捧湯

其三

睡眠朦朧試浴身芳華竟體欲生春  
憐君遙喚香溪水蘭氣梅魂暗著人

其四

旌心白水是前因覷浴何曾許別人  
煎得蘭湯三百斛與君攜手被征塵

宿桃源菴作短歌題壁示藥谷主人余掄  
仲

天都諸峯屏障開白龍潭水綠浪迴  
浴罷湯池暝投宿流泉午夜如崩雷  
溪山至此非嘗調主人卜築領其要  
刻疏雲氣排窻櫺穿穴煙嵐置堂  
奧山中辛夷花放榮世上桃李俱  
落英却笑仙源迷子驥還緣藥谷  
訪容成老僧三年不出戶蓋頭莫  
爲誅茅誤雨後黃山更奇絕看我  
青鞵去時路

夜雨

淙淙活活夜分鳴知是溪聲是雨聲明日穿山  
憑兩屐却過雲外看泉生

黃山第三十一  
峯名雲外峯

初八日雨不止題壁

憑仗鞵尖與杖頭浮生腐骨總悠悠天公儘放  
狂風雨不到天都死不休

桃源菴小樓坐雨看天都峯瀑布作

崇朝澎濤雨不止小樓翳蒼雲霧裏千流競寫  
白龍潭四窻橫挂天都水水飛石擊相砢砢龍  
虵攫拏山谷鳴軒楹圾坵天欲漏隱几屏息心  
怵怵薄莫解駁日車露次第呼童戒杖屨始知  
急雨非無故天欲老夫看瀑布

天都瀑布歌

天都諸峯遙相從連綿嶧屬無罅縫山腰白雲  
出衣帶雲生疊疊山重重峯內有峯類皴染須  
臾蒼合仍混同曾雲聚族雨決溜溪山天水齊  
溟濛是時水勢猶未雄江河欲決翻全壅良久  
雨足水積厚瀑布倒寫天都峯初疑渴龍甫噴  
薄抉石投奔聲礧礧復疑水激龍拘怒粹尾下  
拔百丈洪更疑羣龍互轉鬪移山排谷轟圓穹  
人言水借風力橫那知水急翻生風激雷狂電

何處起發作亦在風水中波浪喧  
兀草木亞攪軒簸心忡忡潭中老龍又驚寤  
綠浪瀆涌軒窻東山根颯拉地軸震旋恐  
黃海浮虛空亭午雨止雲戎戎千條白練回  
冲融憑闌心坎舒撞春坐聽濤瀨看奔衝  
愕眙莫訝詩思窮老夫三日猶耳聾

初九日發硃砂菴逕觀音巖登老人峯

黃山之麓山匝匝雙峯拱峙作門闔  
枝撐長訝巨石墜攀躋惟恐兩厓合  
壽藤古木相夤緣一徑陰沈少見天  
脚底溟濛踏雲氣頂上噴灑過

飛泉霞城乳竇亘山足陽壑陰巖互攢簇  
硃砂洞室趾天都采藥仙源接香谷振衣直向老人  
峯會雲疊涌鋪虛空初似炊煙浮樹杪却看膚  
寸起封中緜緜飛絮却復迎團團車蓋遙相竝  
白衣蒼狗半有無樓閣華鬢遞穿迸蕩胸觸石  
彌綑縕車馬決驟旌旗焚如濤如浪復如海至  
竟但可名爲雲須臾雲歸如鳥集晞髮青松身  
涇涇回頭却望老人峯偃僂仍向天都立

緣天都峯趾度斷凡橋下木梯憇文殊菴

天都趾右石屏南墮山嶧嶠且堪峭壁崩厓



罅欲裂異松穴石攢如簪嶽峯數里俄半擘峯  
峇百丈咸中弁峯巒移步貌改易蒼翠著面人  
熏酣崎嶇鳥道陟又下摧頽繭足縮復探盤回  
下梯身入井嘯呼命侶聲出甌僧徒扶曳咸右  
袒輿人負荷長左擔俯躬正恐眩三折側足祇  
容劔一械挽葛千尋出洞穴誅茅一畝憇小菴  
天部東拱勢翼翼勝蓮後負形沈沈上擁趺石  
宮宅穩下臨莽蒼光景涵靈山削成隱佛土普  
門應現開精藍清曉梵貝響林樾午夜佛火明  
煙嵐香象拒門表奮迅神鴉乞食離嗔貪隨喜  
許桑下一宿吾所慙

宿文殊院夜起看月

三十六峯月魄裏老僧夜喚神鴉起空山午夜  
光景微濛濛薄霧霑人衣

初十日從文殊院過喝石菴到一綫天下  
百步雲梯逕蓮華峯憇天海

昔與炤上人共訂黃山約執手文殊院披雲一  
長嘯蓮花溝畔少人跡蛾度虵行限削壁炤公  
前輓幻公推如上天門生四翼積沙披歷見幽

居白石錯落爲周陸背屋屢屢疊雲浪下方軒  
豁呈日車亭午齋鐘赴天海接翅神鴉已先在  
盤回折下百步梯行人項領與踵齊九步喘汗  
十步息度樾穿林又枳棘青柯坪前縋韓愈蒼  
耳林中失李白須臾復出海子巔意行縣度兩  
莽然誰知絕頂千尋地只倚孤懸一綫天蓮峯  
未上日已晚放杖松窻聊自付莫愁山中石路  
滑終羨老僧腳頭穩

登始信峯迴望石筍砭

三十六峯拔地涌此峯歧之纔及踵臨深爲高

地使然附婁翻能瞰高冢松枝懸度勢獵獵略  
徇孤騫風從從石徑曾無飛鳥度茆菴尚有殘  
雪擁上視近天心氣肅下臨無地覓魄悚平鋪  
萬狀盡雲練幻出千嵐似丘壟邈迤迴望石筍  
砭萬峯矗矗攢穹蒼故知造化善戲劇遂使鬼  
物齊開張破碎虛空作苑囿搏抗厚土成瑤璋  
孤撐扶陷互相詭妥伏蹙鬪不可詳益州二筍  
何微眇天平萬笏空迴翔起視大壑限尋丈却  
立萬仞憑堵墻高陵巨谷堆衆皴郁邑嶺陸分  
毫芒篆雲一點出九子突煙片縷回池陽心駭

神移耳目怠積蘇累塊今安在中天倘恍游化  
人步地蒼茫窮豎亥錐鑿將無死渾沌刻畫何  
當罪真宰經營團辭記靈異忽漫執筆成晦昧  
眼看夕陽信奇絕安知夜半不遷改笑殺區區  
刻劔人但認一漚作黃海

登煉丹臺歸宿天海

是日日御薄下春萬里一碧澄秋容煉丹臺陽  
訪丹室斗絕下瞰馮夷宮靈區占據宜神物陰  
雨穿穴多蛟龍何當劫灰養伏火豈有石室支  
劉風頰窺悼慄據櫺檻却倚眩運憑虛空丹峯

香爐屹相向翠微飛來翼以從三十六峯離又  
屬化質幻出千芙蓉俛仰堪輿恣枕藉烟海茫  
茫天地易星河錯落九天近日月回周兩丸迤  
高山矗立羣螿封巨浸微茫一牛跡憶昔軒轅  
鑄丹鼎相度茲臺作宮宅拙添火候資陽烏採  
煉陰符用月魄役使百靈守鑪鞴錯列千峯儼  
陛戟一襲珠函至今在千年鬼物誰敢搯天風  
蕭騷日已夕攬衣欲下心不懌文楸萬木聲撼  
撼素女清絃響金石南斗闌干星可摘安得商  
飈發兩腋望仙峯頂看月白

十一日繇天都峯趾逕蓮華峯而家飯慈  
光寺抵湯口

天都劣削不可上，纒腰束胸將安往。蓮花峯下  
徑仄垂剗，風蓬蓬吹勒。回磴道千盤，互攀援足  
巡迴途，目欲旋兩腋。風生似掖扶，絕壁雲遮失。  
泯眩靈山惜別如，乍逢凝嵐積。靄開重重丹厓，  
却轉圍紺殿。翠微深處聞齋鐘，未央長信已遷  
改。慈光香火千年在，碧桃花開繞石塔。砂溪水  
流環法海。普門塔在寺後經丘歷广重躑躅，却  
望青峯卽畫圖。襞褶雲衣看疊嶂，微茫雲逕認

天都六六蓮峯倚林樾，嘆息百蓮久蕪沒。曾聽

當時吳會吟，惟有黃山碧溪月。李太白夜泊黃

吟詩云昨夜誰爲吳會吟  
又云我宿黃山碧溪月

十二日發桃源菴出湯口逕芳村抵瀟口

老夫入山雨洗塵，山容水色相鮮新。老夫下山  
雨祖道，雨氣溟濛山更好。春山皎潔如秋清，先  
庚後甲雨却迎。已放飛流縣瀑布，更鋪雲海媚  
新晴。人言此行天所予，宜晴卽晴雨卽雨。海市  
何當用禱祈，石廩還應薦酒酤。三十六峯憎我  
回屯雲，菴霧晝不開。桃花溪水尤惜別，鳴車濺

轍爭湫洄山中桃花紅未了人間春去知多少  
試聽同聲山樂禽何如交響頻迦鳥汪澤民記云宿湯寺  
聞啼鳥聲甚異若歌若答節奏疾徐名山樂  
鳥下山咸無有余於湯口道中聞之信然

### 湯池

圖經云湯池在黟山東紫石峯下香泉溪中有  
湯泉黃帝服還丹肌膚皴折浸湯泉七日故皮  
隨水而去斯須白龍見池中笙歌繞空雲霧消  
散見珠函王壺持歸石室浮丘公題記于南峯  
石壁

峨峨紫石峯迸泉瀉天半下有湯泉口瀆沸然

鑪炭陰陽交劑和涼溫互輸灌暄暖便被濯清  
冷宜醜盥立象徵明夷流惡類奔竄蒸池匪檻  
涌瀆魁徒澶漫天為湯沐賜神用陰火燠不數

硫黃猶肯比礪石潭天下湯泉多作硫黃氣惟

砂惟昔軒轅帝在宥天下亂神丹內服食靈泉

外烹煨一浴肌理皴七日毛髓換龍來雲翕集

鳳吹霧消散漿露玉壺凝冠履珠函貫至今石

壁題隱隱南山矸我來值春晚桃花湯渙瀾桃花

峯下有桃花溪水名香風解煩醒蒸氣泐微汗

桃花湯流入湯泉燕嗽綠腸淨拂拭紫絡粲原憲腫可差皇甫痺

牧齋集卷十九  
應渙陸渾火焚灼焦原勢糜爛未能除人痾安  
用滌身瘡誰把浮丘袖永懷玉女姪執熱竟何  
云晞髮起長歎

天都峯

萬曆甲寅普門和尚始陟天都絕頂丙辰闕庵  
和尚偕同衣九人再登累石爲塔揭二竿縣以  
旛燈從下望之塔如人立幡從風迴翔厥後罕  
有繼跡者焉

天都九百仞竦出羣峯上我行陟慈光屢屢正  
北望繁如冕旒垂突如甲冑壯仙都儼侍衛蓮  
花屹相向煉丹雖鼎足頽伏慙輩行削從大地  
拔高與青天抗浮雲不能齊飛鳥孰敢竝古云  
天之中軒轅此游放巉巖負斧依幔亭列衛仗  
月白霞衣鮮風清廣樂張憑虛命天老排空召  
雲將至今數千祀真都隱沉碣普門始荒度闕  
菴繼策杖絕陁引猿臂缺竇縛馬柳橫穿身入  
甕倒擲頭觸窻百仞更顛頓方石見輪廣累塔  
象人立樹幡危石當神燈不可見色界吾安仰  
昔聞三天都圖記互評量此爲天子都被爲天  
子鄣廬率西南屏大鄣東北嶂譬如侯甸服離

衛帝都王香谷氣方馥桃花水初漲帝將觴百  
神吾欲合秬鬯

蓮華峯

蓮華峯峯峒高與天都竝峯趾仄下垂屈盤隱  
梯磴峯如蓮正開趾如荷有柄緣莖拊其瓣百  
折峯始竟側身竇石腹刺促藕絲經罅漏忽穿  
穴藕孔隙光映上有半閒广凸如蓮子迸又有  
蓮花心數尺凹圓徑羣峯簇相拱田田荷葉盛  
我來倚孤藤敢與剗風競支頤雲梯畔足跂目  
轉瞪自從出湯口諸峯互延亘天都尊無如蓮

峯變難凭初疑玉井頭如船藕相擎簇簇青蓮  
房萬葉擁却迎及憇文殊院西面看最靚妙花  
聳青壁石瓣承其脛趺坐敷莊嚴明粧北端正  
西北瓣未圓菡萏一峯稱南下桃花峯飛梁似  
連賸玉縈近可攀連理遙相命數武俄改易一  
曠已幽夙側出橫秋波平鋪落明鏡顧盼良已  
煩畫圖豈能評惟有青蓮眼嘗見勝蓮勝

石筍砭

黃帝上昇後靈山忽涌瀆化成千尺峯乃是雙  
石筍詭異窮堪輿象滋靡域畛幻化石有靈包

解筍無盡危 砒如防盛列 石類欄楯銳 如浮圖  
 轟鐵如劔戟 展叶闊如波濤 散感如篆籀 緊或  
 屬而駱驛連 迤復徐引或 宮而障圍撐 柱匪囚  
 僂或如經天星 未及尺而隕 或如靈胡掌 襍裂  
 地為墳象物 總雜糅攪搏 互駁躡大地 刻玲瓏  
 神匠碎齧粉 琢鏤鬼盡驚 奇譎天亦哂 我來陟  
 此岡憑高數 嶷嶙指顧眩 景光心目困 撫攬西  
 北山中折勢與 削成準沈陽 仙都出青縹 翠微  
 近廬江畫衣帶 池陽堆庾困 虛煙長藹藹 人語  
 或殷殷側足臨 大荒傾耳扣虛牝 片石投下空

確隳似雷貫 中天腐骨輕 下界夕陽隱 生年厄  
 枯筍世事叢 苞稔安知石 能言不以我 為箇高誘

曰箇竹  
箇也

鍊丹臺

我登鍊丹臺 詆蕩上青天 旋觀六六峯 一一排  
 青蓮崇臺據中央 宛如蓮葯然 千瓣復萬莖 迴  
 抱相鈎連 玉屏展青嶂 香鑪罨紫煙 奇峯劔危  
 石櫛列差膊 肩橫若羅劔 盾轟若奮戈 鋌猛若  
 屯天獸 疑角夾九閭 伏若萬金革 擬鳴復收旋  
 神靈既役使 頑礦俱騰騫 相將守丁甲 誰敢窺



永鉛日車陽焰煨月駕陰火然至今丹鼎中光  
氣流朱殷在昔軒轅帝垂裳理八埏命龍戮絕  
轡驅虎定阪泉六相資輔弼五賊收狂癩藥得  
君臣配火用文武煎海宇鑪鞴定陰陽藥物全  
然後事修煉黃服朝上玄服食八甲子圖經云  
煉丹經八甲子黃  
帝服七粒上昇登假千萬年有如世不治慕  
道求神仙張樂洞庭野採藥黟山巔何異周穆  
滿車轍馬跡焉軒皇去我久乃圭世莫傳願發  
珠函祕進獻王辰前

慈光寺

晉門頭陀行光明動 帝后 兩宮賜剌染少  
府給組綬脫却金紋衣麻鞵露兩肘毘盧金像  
設梵筴琅函剖煌煌慈光額 天子維獻壽金  
貂馳北黟銀榜賁南斗寺踞天都隴面勢抗龍  
首朱砂拱其左壘嶂掖而右飛閣千尋涌諸天  
四圍負龍像震旦尊鍾魚六時吼幡幢內家織  
齋鉢大官襖鋪張金世界變現錦陵阜嗚呼卅  
年來滄桑逼陽九宮移長信屢卜應沙鹿久玉  
衣寢廟重脂澤鏡奩厚八極誠晏如三災所時  
有椒塗恩賜節榆塞金錢走招提佐軍興衲衣

裁短後我來禮慈光俛仰思 文母僧徒日魚

雅禪誦午譚釵空山猶昇平慈恩正攝受泉流

石塔下桃紅碧溪口客拜漉水囊僧持埽花帚

尚祈白毫力庶復金輪舊頂禮九蓮座 宮中稱慈聖

為九蓮菩薩 涕洟重稽首

下黃山留宿故方給事方石書館題壁兼

### 懷孟陽

春盤剪韭夜留賓高館明燈笑語親左掖雞栖

傳奏牘中堂鵬止見承塵老成春後孤花少朋

舊秋來宿草頻尚有故人頭白盡為言茲會重

### 傷神

過方司馬子玄故第

秋卷書生射策過即看殊錫寄關河白山節鎮

烽煙少丹旄遄歸蔭敘多二八金鐘縣甲第三

千鐵騎擁瑯戈白頭老友春風淚寂寞生芻問

### 雀羅

訪孟陽長翰山居題壁代簡

三日天都約裹糧差池燕羽正相望却回謝客

新游屐來訪盧鴻舊草堂長翰山中書數卷松

圓閣外樹千章到門他日何人記莫漫題名字

幾行

三月廿四日過釣臺有感

是日聞陽羨再召

嚴瀨曠曠旭日餘桐江瀧盡挂帆初老夫自有  
漁灣在不用先生買菜書

